

**Ruslandimut Belarusimullu killilersuutaasunik suliniuteqarnissat
naammassineqarnissaat pillugit Kalaallit Nunaannut inatsissamut siunnersuutip
atuutsinneqalernissaa pillugu Inatsisartut aalajangiiffigisassaattut siunnersuut**
(Naalakkersuisut Siulittaasuut)

Saqqummiussissut
(Naalakkersuisut Siulittaasuut)

Siullermeerneqarnera

2022-mi upernaakkut ataatsimiinnermi (UPA2022) imm. 178: ”*Uunga siunnersuut: Ruslandimut allanullu pillaatitit iliiusissanik atuutsitsilernissamut piginnnaatitsissuteqarneq pillugu Inatsisartut inatsisaat*”, Naalakkersuisunit saqqummiunneqartoq, Inatsisartut suliaraat akueralugulu.

Ruslandimut allanullu pillaatitit iliiusissaasinnaasut suliassaqaqfinnut akisussaaffigilerlugit tiguneqareersunut aammalu suliassaqaqfinnut akisussaaffigilerlugu tiguneqariinngitsunut tunngassuteqarsinnaanerit pissutigalugu, inatsisissatut siunnersuut assingusoq Folketing-imit akuerineqartariaqarpoq. Tamanna 2022-mi upernaakkut ataatsimiinnermi immikkoortup 178-ip suliarineqarnerani Inatsisartunut aamma paasissutissiissutigineqarpoq.

Inatsisartut aalajangiiffigisassaattut siunnersuut ilanngunneqartoq, danskit inatsisissatut siunnersuutaata Kalaallit Nunaannut atuutsinneqalernissaata Inatsisartunit akuerineqarnissaanut tunngassuteqarpoq. Inatsisartut aalajangiiffigisassatut siunnersuut akuerissappassuk, inatsisissatut siunnersuutip tamatuma kingorna inaarutaasumik atuutsinneqalersinnaanissaanut, taanna Folketing-imi suliarineqartussaassaaq akuerineqartussaassallunilu.

Inatsisissatut siunnersuutip imarisamigut ”*Ruslandimut allanullu pillaatitit iliiusissanik atuutsitsilernissamut piginnnaatitsissuteqarneq pillugu Inatsisartut inatsisaat*” assingaa, kisianni inatsisilioriaatsikkut allaanerulaartumik aaqqissugaalluni.

Namminersorlutik Oqartussat suliassaqaqfinni akisussaaffigilerlugit tiguneqarsimanngitsuni Ruslandimut allanullu pillaatitit iliiusissanik akuersinissaannut suliap ingerlanera, suliassaqaqfinni akisussaaffigilerlugit tiguneqareersimasunut suliap ingerlanerisa assingissavaa.

Suliassaqaqfinni akisussaaffigilerlugit tiguneqarsimanngitsuni suliap ingerlanerani taamaalilluni danskit ministeriannit Naalakkersuisunut siunnersuummik saqqummiisoqassaaq. Tamatuma kingorna Naalakkersuisut Inatsisartuni Nunanut Allanut Sillimaniarnermullu Ataatsimiititaliaq isumasiussavaat. Aammalu aatsaat tamatuma kingorna Kalaallit Nunaata pillaatitit iliiusissat pineqartut akuerissanerai akuerissannginneraalu pillugu Naalakkersuisut danskit ministeriannut oqaaseqaateqarsinnaapput.

Taamatut oqaaseqarlunga siunnersuut Inatsisartuni kajumittumik suliassanngortippara.